

金籙祈壽午朝儀

法事如式

各禮師 存念如法

請宣神咒

丹華流映 寶芝生光 神精徹幽 散靈八方

直符攝炁 嘯命朱童 三精敷煥 注我絳宮

赤神安鎮 五香溢充 洞映形外 表裏發光

身生水火 獨步飛行 和與道合真

鳴法鼓二十四通

無上三天玄元始三炁太上老君 召出臣身中三五功曹 左右官使者

左右捧香驛龍騎吏 侍香金童 傳言散花玉女 五帝直符直日香

官 各三十六人出 出者嚴裝顯服 冠帶垂纓 關啟 玄壇土地

方域神真 臣今午朝 陞壇行道 朝謁帝真 欽奉其諸丹悃 具載

絨膾 願得 太上至真道炁靈寶瑞光 下降流入臣等身中 令臣所

啟之誠 速達徑御

至真無極大道三清上聖

金籙祈壽午朝儀

清微藏書閣

昊天至尊金闕玉皇上帝 御前

請稱法位

具位臣姓某與臨壇官眾等 謹同誠上啟

虛無自然至真無極大道玉清聖境大羅元始天尊

太上道君

太上老君

昊天至尊玉皇上帝

紫微上宮天皇帝

紫微中宮北極大帝

后土皇地祇

玄都萬壽天尊

太平護國天尊

福生無量天尊

玄都玉京七寶層臺紫微上宮靈寶至真諸君丈人

金闕諸天彌羅眾聖

上相上宰 上保上傳

少保少傅
四師五帝 十二仙卿
三十六部尊經
玄中大法師
三天大法師
日月星宮斗府
周天宿度
河漢星真
南極老人
福祿壽星真君
皇帝本命星君
帝座照臨星宰
三界內外應感一切真靈
臣聞 道啟洪濛 峙三才而並立 神居浩渺 由五太以潛分
上參乾象之高明 下列坤輿之溥博 大梵垂光芒之雲篆 至真示空
洞之靈章 懸寶黍於空玄 振瓊音於寥廓 科傳億劫 教啟先天

金錄祈壽午朝儀

清微藏書閣

臣等忝與冠裳 叨承教法 學識深慚於淺陋 包含實賴於寬洪 適
逢聖壽之屆期 大闡玄科而致禱 皈依九陛 恪盡一誠 凡有請祈
敢忘關奏 欽承上命 爰謹祝釐 華月映瑤光 吉慶鍾於顓帝
卿雲屬乾象 嘉祥見於唐時 南辰司祿筭以延洪 北極注年齡而永
久 天皇萬八千歲 本清靜以長生 廣成千二百年 抱沖和而不老
時逢聖誕 醮闡真科 以今停午 陞壇行道 請法眾等 運茲初
捻上香 願此香煙騰空 徑上供養
至真無上道寶大羅元始天尊
金闕至尊玉皇上帝
無上大羅至真眾聖

臣等皈身皈神皈命 首體投地 仰依
太上三尊 十方眾聖

願以是香功德 上祝皇帝陛下 伏願 道合三皇 名高五帝
日觀聳岱宗之頂 壽祉巍峨 天潢接崑崙之源 福基浩渺 治定會
同於五服 勳成響應於八方 來玉帛以居尊 合車書而拱極 今故
燒香 自皈依

師尊大聖眾 至真之德

得道之後 保天長存 和與道合真

晝刻傳呼 天顏有喜 瞻虹流之在渚 列鷺序以趨朝

午 陞壇行道 請法眾等 運茲二捻上香 願此香煙騰空 徑上供

養

至真無上經寶玉宸靈寶天尊

紫微天皇大帝

禹餘天宮真仙聖眾

臣等皈身皈神皈命 首體投地 仰依

太上三尊 十方眾聖 願以是香功德 上祝皇帝陛下 伏願 慶衍

九疇 尊居一統 執玉帛者來萬國 春滿乾坤 垂衣裳而撫八紘

風清閭闔 壽筭等華嵩而永固 福源同溟渤以弘深 神相蕃釐 天

錫純嘏 今故燒香 自皈依

師尊大聖眾 至真之德

得道之後 保天長存 和與道合真

大明方中 品彙咸蒙於普照 真科再瀆 忱誠有冀於感通 以

金錄 祈壽午朝儀

清微藏書閣

今停午 陞壇行道 請法眾等 運茲三捻上香 願此香煙騰空 徑

上供養

至真無上師寶五靈玄老天尊

紫微北極大帝

后土皇地祇

大赤天宮無邊聖眾

臣等皈身皈神皈命 首體投地 仰依

太上三尊 十方眾聖 願以是香功德 上祝皇帝陛下 伏願 寶曆

光華 金枝敷茂 皇圖世永 廣開泰運於八埏 聖壽天齊 普洽歡

聲於四海 嘉祥畢集 景福咸臻 今故燒香 自皈依

師尊大聖眾 至真之德

得道之後 保天長存 和與道合真

禮方

懺悔

命魔

三啟

三禮
重稱法位
具位臣姓某謹重誠上啟

三境至尊

十華上聖

玉京金闕天帝天真

日月星斗群真

十方師尊聖眾

三界官屬

醮筵設像一切威靈

臣聞 統馭兩間

壽筭齊天而不老

治隆九有

光明如日之方

中 慶集百祥

茂膺五福

垂衣裳而致治

修禮樂以化民

尊居南

面以趨朝

環拱北辰而有象

克綏四海

慶衍萬邦

妙參贊於神明

永奠安於宗社

天開壽域

日啟玄科

潔淨壇場

森嚴儀衛

歸

心十極

瞻仙仗以齊臨

資福九疇

祝皇圖而永固

伏冀

丙觀醮

禮 申飭司存

書椿筭於青編

鑒宸衷於丹剡

五行應軌

七曜順

躔

六氣和平

甘露零灑於天瑞

眾真歡慶

醴泉融溢於地靈

年

金錄祈壽午朝儀

清微藏書閣

穀豐登

乾坤交泰

恩沾率土

德被普天

則上明天尊大慈之化

下副臣等皈命之誠

謹啟以聞

十二願

存神燒香

香官使者

左右龍虎君

侍香諸靈官

當令臣向來午朝陞壇行道之

所 自然生金液

丹碧之英

百靈眾真

交會在此

香火鑪前

當願

精誠孚感

聖壽綿長

十方仙童玉女接待

蘭煙傳臣向來所奏

之誠

速達徑御

至真無極大道三清上聖

昊天至尊金闕玉皇上帝

御前

出堂頌

向來

金錄祈壽午朝儀竟

天運壬辰年巳月正一天師清微弟子洪鼎堅羅大英恭錄彙編

蔣科靜複校